


孔子家語

卷一之二




			五二	漢書門
			五一	
			四〇	
			五	
五	六	〇	五	類
册	架	函	號	類

庫	文	閣	內
五	二	五	漢
四	五	五	書
架	册	號	類

內閣文庫			
番號	漢	5215	
冊數	5 (1)		
函號	298	15	

儒家 一之二

298-15



孔子家語序

淺草文庫



王

肅

註

鄭氏學行五十載矣自肅成童始志于學而學
鄭氏學矣然尋文責實考其上下義理不安違
錯者多是以棄而易之然世未明其款情而謂
其苟駁前師以見異于前人乃慨然而歎曰吊
豈好難哉吊不得已也聖人之門方壅不通孔
氏之路枳棘充焉豈得不開而闢之哉若無由
之者亦非吊之罪也是以撰經禮申明其義及

前字無
吊作予下同

闢作辟

朝論制度皆據所見而言孔子二十二世孫有
孔猛者家有其先人之書昔相從學頃還家方
取已來與弔所論有若重規而疊矩昔仲厄曰
文王既歿文不在茲乎天之將喪斯文也後死
者不得與於斯文也天之未喪斯文匡人其如
弔何言天喪斯文故令已傳斯文於天下今或
者天未欲亂斯文故令從弔學而弔從猛得斯
論以明相與孔氏之無違也斯皆聖人實事之
論而恐其將絕故特為解以貽好事之君子語

正作止

云牢曰子云吾不試故藝談者不知為誰多妄
為之說孔子家語弟子有琴張一名牢字子開
亦字張衛人也宗魯死將往弔孔子正焉春秋
外傳曰昔堯臨民以五說者曰堯五載一巡狩
五載一巡狩不得稱臨民以五也經曰五載一
巡狩此乃說舜之文非說堯孔子說論五帝各
道其異事於舜云巡狩天下五載一巡則堯之
巡狩年數未明周十二歲一巡寧可言周臨民
以十二乎孔子曰堯以上德王天下而色尚黃

巡作始

德一作色

黃土德五土之數故曰臨民以五此其義也

篇目

一卷

相魯

始誅

王言解

大婚解

儒行解

問禮

五儀解

二卷

致思

三恕

好生

三卷

觀周

弟子行

賢君

辯政

四卷

六本

辯物

哀公問政

五卷

五顏回

子路初見

在厄

二十

入官

二十一

困誓

二十二

五帝德

二十三

六卷

五帝

二十四

執轡

二十五

本命解

二十六

論禮

二十七

七卷

觀鄉射

二十八

郊問

二十九

五刑解

三十

刑政

三十一

禮運

三十二

八卷

冠頌解

三十三

廟制解

三十四

辯樂

三十五

問玉

三十六

屈節解

三十七

九卷

七十二弟子解

三十八

本性解

三十九

終記解

四十

正論解

四十一

十卷

曲禮子貢問

四十二

曲禮子夏問

四十三

魯字無

而已哉於是二年定公以為司空乃別五土之
性五土之性一曰山林二曰川澤三曰丘陵四曰墳衍五曰原隰而物各得其
所生之宜所得其宜之物各咸得厥所先時季氏葬
昭公于墓道之南季平子逐昭公死于乾侯平子別而葬之貶之不令近先
也孔子溝而合諸墓焉謂季桓子曰貶君以彰
已罪非禮也桓子平子今合之所以揜夫子之不
臣由司空為魯大司寇設法而不用無紆民定
公與齊侯會于夾谷孔子攝相事曰臣聞有文
事者必有武備有武事者必有文備古者諸侯

並字無

諺蓋諫之誤

言

同襄作衣商注

並出疆必具官以從請具左右司馬定公從之
至會所為壇位土階三等以遇禮相見會遇之禮禮之
簡略者也揖讓而登獻酢既畢齊使萊人以兵鼓諺
劫定公萊人齊人東夷雷鼓孔子歷階而進以
公退曰士以兵之吾兩君為好襄夷之俘敢以
兵亂之襄夷者何敢以兵亂兩君之好也言此三
符反俘芳非齊君所以命諸侯也襄不謀夏夷不
亂華華復中俘不于盟兵不福好於神為不祥
於德為愆義於久為失禮君必不然齊侯心忤

家語卷一

靡而避之有頃齊葵宮中之樂俳優侏儒戲於
前孔子趨進歷階而上不盡一等曰匹夫熒侮
諸侯者罪應誅請右司馬速加刑焉於是斬侏
儒手足異處齊侯懼有慙色將盟齊人加載書
曰齊師出境而不以兵車三百乘從我者有如
此盟孔子使茲無還對曰魯大夫也而不返我汶陽
之田吾以供命者亦如之齊侯將設享禮孔子
以梁丘據曰齊魯之故吾子何不聞焉梁丘據舊聞齊
魯之故事○憇去乾事既成矣而又享之是勤
反侏音佩侏諸儒功

執事且犧象不出門作犧牛及象於其背為罇嘉樂不野合

享而既具是棄禮若其不具是用粃糲粃穀者○用粃糲君辱棄禮名惡子盍

粃草之似穀者○用粃糲君辱棄禮名惡子盍

圖之夫享所以昭德也不昭不如其已乃不果

享齊侯歸責其群臣曰魯以君子道輔其君而

子獨以夷狄道教寡人使得罪於是乃歸所侵

魯之四邑及汶陽之田四邑鄆護龜陰也殊特汶陽之田本所要○鄆

王問孔子言於定公曰家不藏甲卿大夫稱也邑

無百雉之城高丈長丈曰堵三堵古之制也今

所要件魯

勤作勒

三家過制請皆損之乃使季氏宰仲由隳三都叔孫不得意於季氏因費宰公山弗擾率費人以襲魯孔子以公與季孫叔孫孟孫入于費氏之宮登武子之臺費人攻之及臺側孔子命申句須樂頌勤士衆下伐之費人北遂隳三都之城強公室弱私家尊君卑臣政化大行初魯之販羊有沉猶氏者常朝飲其羊以詐市人有公慎氏者妻淫不制有慎潰氏者奢侈踰法魯之鬻六畜者飾之以儲價及孔子之為政也則沉

徒作徒

各作容

女作如

猶氏不敢朝飲其羊公慎氏出其妻慎潰氏越境而徒三月則鬻牛馬者不儲價賣羔豚者不加飾男女行者別其塗道不拾遺男尚忠信女尚貞順四方客至於邑者不求有司有司常供其職客不求而有司存焉皆如歸焉言女歸家無所之也

始誅第二

孔子為魯司寇攝行相事有喜色仲由問曰由聞君子禍至不懼福至不喜今夫子得位而喜何也孔子曰然有是言也不曰樂以貴下人乎

於是朝政七日而誅亂政大夫少正卯戮之其
兩觀之下兩觀闕名。觀古玩反。尸於朝三日子貢進曰

夫少正卯魯之聞人也今夫子為政而始誅之

或者為失乎孔子曰居吾語汝以其故天下有

大惡者五而竊盜不與焉一曰心過而險二曰

行僻而堅三曰言偽而辯四曰記醜而博醜謂非義

人則不免君子之誅而少正卯皆兼有之其居

處足以擷徒成黨擷聚。側九反。其談說足以飾廢

過作逆

博作博

擷作撮注同

亦作以

榮衆其強禦足以返是獨立此乃人之奸雄者

也不可以不除夫殷湯誅尹諧文王誅潘正周

公誅管蔡太公誅華士士之為人虛偽亦聚黨也而韓非謂華士耕而

後食鑿井而飲信其如此而太公誅之豈所以謂太公者哉管仲誅付乙

子產誅史何凡此七子皆異世而同誅者以七

子皆異世而同惡故不可赦也詩云憂心悄悄

愠于群小小人成群斯足憂矣

孔子為魯大司寇有父子訟者夫子同控執之

控獄牢也。控部禮反。○三月不別其父請止夫子赦之焉

誅作昧

李孫聞之不悅曰同寇欺余曩告余曰國家必先以孝余今戮一不孝以教民孝不亦可乎而又赦何哉冉有以告孔子子喟然歎曰嗚呼上失其道而殺其下非理也不教以孝而聽其獄是殺不辜三軍大敗不可斬也獄犴不治不可刑也何者上教之不行罪不在民故也夫慢令謹誅賊也徵斂無時暴也不試責成虐也政無此三者然後刑可即也書云義刑義殺勿庸以即汝心惟曰未有慎事言必教而後刑也庸用也即

勤作勤

就也刑殺皆當以義勿用以就汝心之所安當謹自謂未有順事且陳道德以服之以無刑殺而後為順是先既陳道德以先服之而猶不可教而後刑也尚賢以勤之又不可即廢之又不可而後以威憚之若是三年而百姓正矣其有邪民不從化者然後待之以刑則民咸知罪矣詩云天子是毗毗輔也俾民不迷當毗輔天子使民不迷是以威厲而不試刑錯而不用今世則不然亂其教繁其刑使民迷惑而陷焉又從而制之故刑彌繁而盜不勝也夫三尺之限空車不能登者何哉

峻故也百刃之山重載陟馬何哉陵遲故陵遲猶也今世俗之陵遲久矣雖有刑法民能勿踰乎

王言解第三

孔子閑居曾參侍孔子曰參乎今之君子唯士與大夫之言聞也至於君子之言者希也於乎吾以王言之其不出戶牖而化天下曾子起下席而對曰敢問何謂王者言孔子不應曾子曰侍夫子之閑也難對是以敢問孔子又不應曾子カキコトヲカケ肅然而懼振衣而退負席而立有頃孔子歎

息願謂曾子曰參汝可語明王之道與曾子曰非敢以為足也請因所聞而學焉子曰居吾語汝夫道者所以明德也德者所以尊道也是以非德道不尊非道德不明雖有國之良馬不以其道服乘之不可以取道理雖有博地衆民不以其道治之不可以致霸王是故昔者明王內修七教外行三至七教脩然後可以守三至行然後可以征明王之道其守也則必折衝千里之外其征也則必還師在席之上故曰內修七教而

勞作勞

上不勞外行三至而財不費此之謂明王之道也。曾子曰：不勞不費之謂明王，可得聞乎？孔子曰：昔者帝舜左禹而右皋陶，不下席而天下治。夫如此，何上之勞乎？政之不中，君之患也；令之不行，臣之罪也。若乃十一而祝，用民之力，歲不過三日，入山澤以其時而無征，關譏市廛皆不收賦。譏呵也，譏異服，譏異言，及市此則生財之路。而明王節之，何財之費乎？曾子曰：敢問何謂七教？孔子曰：上敬老，則下益孝；上尊齒，則下益

祝作祝下同

譏作識

教作七

悌。上樂施，則下益寬；上親賢，則下擇友；上好德，則下不隱；上惡貪，則下恥爭；上廉讓，則下恥節。此之謂七教。教教者，治民之本也。政教定，則本正矣。凡上者，民之表也。表正，則何物不正？是故人君先立仁於己，然後大夫忠而士信，民敦而撲撲，懋原貌。○男懋而女貞，六者教之致也。布撲撲，普角反。諸天下四方而不怨，納諸尋常之室而不塞，等之以禮，立之以義，行之以順，則民之棄惡如湯之灌雪焉。曾子曰：道則至矣，弟子不足以明之。

撲上有俗字致作至

孔子曰、參以為姑止乎、又有焉、昔者明王之治民也、法必裂地以封之、分屬以理之、然後賢民無所隱、暴民無所伏、使有司日省而時考之、進用賢良、退貶不肖、則賢者悅而不肖者懼、衰鰥寡、養孤獨、恤貧窮、誘孝悌、選才能、此七者、修則四海之內無刑民矣、上之親下也、如手足之於腹心、下之親上也、如幼子之於慈母矣、上下相親如此、故令則從、施則行、民懷其德、近者悅、服、遠者來、附政之致也、夫布指知寸、布手知尺、

舒肘知尋、斯不遠之則也、周制三百步為里、千

步而井、三井而埒、埒三而矩、

此說里數不可以言井、井自方里之

名疑此誤、五十里而都、封百里而國、乃為

福、積資裘馬恤行者、之有亡、是以蠻夷諸夏、雖

衣冠不同、言語不合、莫不來賓、故曰無市而民

不之、無刑而民不亂、田獵具弋、罽、掩綱、非以盈

宮室也、徵歛百姓、非以盈府庫也、慘怛以補不

足、禮節以損有餘、多信而寡貌、其禮可守、其言

可覆、其迹可履、如渴而飲、民之信之、如寒暑之

綱作網

怛作怛

覆作復

必驗故視遠若邇非道邇也見明德也是故兵
革不動而威用利不施而親萬民懷其惠此之
謂明王之守折衝千里之外者也曾子曰敢問
何謂三至孔子王至禮不讓而天下浴至賞不
費而天下士悅至樂無聲而天下民和明王篤
行三至故天下之君可得而知天下之士可得
而臣天下之民可得而用曾子曰敢問此義何
謂孔子曰古者明王必盡知天下良士之名既
知其名又知其實又知其數及其所在焉然後

王作曰

因天下之爵以尊之此之謂至禮不讓而天下
浴因天下之祿以富天下之士此之謂至賞不
費而天下之士悅如此則天下之明名譽興焉
此之謂至樂無聲而天下之民和故曰所謂天
下之至仁者能合天下之至親也所謂天下之
至明者能舉天下之至賢者也此三者咸通然
後可以征是故仁者莫大乎愛人智者莫大乎
知賢賢政者莫大乎官能有土之君脩此三者
則四海之內供命而已矣夫明王之所征必道

博作博

之所廢者也是故誅其君而改其政吊其民而不奪其財故明王之政猶時雨之降降至則民悅矣是故行施彌博得親彌衆此之謂還師社席之上言安安而無憂

大婚解第四

孔子侍坐於哀公公問曰敢問人道誰為大孔子愀然作色而對曰君之及此言也百姓之惠也固臣敢無辭而對人道政為大夫政者正也君為正則百姓從而正矣君之所為百姓之所

公作臣

從君不為正百姓何所從乎公曰敢問為政如之何孔子對曰夫婦別男女親君公信三者正則庶物從之公曰寡人雖無能也願知所以行三者之道可得聞乎孔子對曰古之為政愛人為大所以治愛人禮為大所以治禮敬為大敬之至矣大婚為大大婚至矣大婚既至冕而親迎親迎者敬之也是故君子興敬為親捨敬則是遺親也弗親弗敬弗尊此愛與敬其政之本與公曰寡人願有言也然冕而親迎不已重乎

此作也

焉作乎

循下有也字

焉作乎

治

孔子愀然作色而對曰合二姓之好以繼先聖
 之後以為天地宗廟社稷之主君何謂已重焉
魯周公之後得郊天故言以公曰寡人實固
為天下之主也○禮在九公曰寡人實固
 不固安得聞此言乎寡人欲問不能為辭請少
 進孔子曰天地不合萬物不生大婚萬世之嗣
 也君何謂已重焉孔子遂言曰內以治宗廟之
 禮足以配天地之神言宗廟天出以直言之禮
 足以立上下之敬夫婦正則汝可以治正言禮
 物耻則足以振之耻事不知禮國耻足以興之

其上有禮字

支作枝下全

能作以

天下下有參
以作亦

遂言曰昔三代明王必敬妻子也蓋有道焉妻
 也者親之主也子也者親之後也敢不敬與是
 故君子無不敬敬也者敬身為大身也者親之
 枝也敢不敬與不敬其身是傷其親是傷本也
 傷其本則枝從之而亡三者百姓之象也言百
 而所法身以及身子以及子妃人妻以及妃君能修此
 三者則大化愾乎天下天下也昔大王之道也大王
姜女入亦姜女國無繇民愛其身以及人之身
愛其子以及人之子故曰大王之道

人上有乃字

為作愛也

如此國家順矣公曰敢問何謂敬身孔子對曰
君子過言則民作辭過行則民作則言不過辭
動不過則百姓恭敬以從命若是則可謂能敬
其身敬其身則能成其親矣公曰何謂成其親
孔子對曰君子者人之成名也百姓與名謂之
君子則是成其親為君而為其子也孔子遂言
曰為政而不能愛人則不能成其身不能成其
身則不能安其土不能安其土則不能樂天
也天不能樂天則不能成其身公曰敢問何謂能

物字无

卷作卷
志字无

成身孔子對曰夫其行已不過乎物謂之成身
不過乎物合天道也公曰君子何貴乎天道也
孔子曰貴其不已也如日月東西相從而不已
也是天道也不閉而能久不閉常通而能久言無極是天道
也無為而物成是天道也已成而明之是天道
也公曰寡人且愚冥言蠢愚冥暗也幸煩子志心也欲
孔子議識其行也孔子蹴然避席而對曰仁人不過
乎物孝子不過乎親是故仁人之事親也如事
天事天如事親此謂孝子成身公曰寡人既聞

也字无

如此言也無如後罪何孔子對曰君子及此言是臣之福也

儒行解第五

孔子在衛冉求言於季孫曰國有聖人而不能
用欲以求浴是猶却步而欲求及前人不可得
已今孔子在衛衛將用之已有才而以資鄰國
難以言智也請以重幣言之季孫以告哀公公
從之孔子既至舍哀公館焉就孔子舍公自作階孔
子賓階升堂立侍公曰夫子之服其儒服與孔

作作作

深作深
褒作褒
非禮記鄭注
猶大也大袂禪
衣也依之則當
作褒

子對曰丘少居魯衣逢掖之衣深衣之長居宋

冠章甫之冠丘聞之君子之學也博其服以鄉

隨其丘未知其為儒服也公曰敢問儒行孔子

曰畧言之則不能終其物悉數之則留更僕未

可以對留久也僕大僕君燕朝則正位掌領哀

公命席孔子侍坐曰儒有席上之珍以待聘上

之珍能敷陳先王夙夜強學以待問懷忠信以

待舉力行以待取力行仁義道其自立有如此

者儒有衣冠中動作慎其大讓如慢慢簡小讓

更作歸

注全依鄭氏而
衣作之下有者
字无為之之
席作席下全
曰字无

慎作慎

如偽大則如威小則如媿難進而易退也粥粥
若無能也其容貌有如此者儒有居處齊難莊
可畏也其起坐恭敬言必誠信行必忠正道塗不
爭險易之利冬夏不爭陰陽之和愛其死以有
待也養其身以有為也其備豫有如此者儒有
不寶金玉而忠信以為寶不祈土地而仁義以
為土地不求多積多文以為富難得而易祿也
易祿而難畜也非時不見不亦難得乎非義不
合不亦難畜乎先勞而後祿不亦易祿乎其近

劫作劫下全

博作博

人情有如此者儒有委之以財貨而不貪淹之
以樂好而不淫劫之以衆而不懼阻之以兵而
不懼阻難也見利不虧其義見死不更其守
鷙虫攫博不程其勇引重鼎不程其力往者不
悔來者不豫過言不再不再過言流言不極流言相毀不窮
也極也不斷其威常嚴莊也不習其謀不豫習其謀慮其特立有
如此者儒有可親而不可劫可近而不可迫可
殺而不可辱其居處不過其飲食不溲其過失
可微辯而不可面數也其剛毅有如此者儒有

于作干注全

忠信以為甲冑禮義以為干櫓于櫓也櫓大戟載仁而

行抱義而處雖有暴政不更其取其自立有如

此者儒有一畝之宮環堵之室言其小者也

葺門圭窬窬門也圭蓬戶甕牖以

蓬為戶破也易衣而出更相易衣并日而食一井

也○井界政切食上谷之不敢以疑君用之不敢疑事事

也君上不谷之不敢以諂其士有如此者儒有今

人以居古人以奢同奢今世行之後世以為楷法

若不逢世上所不受下取不推詭諂之民有北

孔記孔疏引注无二衣字

士作仕

北作比

者字竟

博作博

黨而危之者身可危也其志不可奪也雖危猶

起居竟身其志乃不忘百姓之病也起居猶動

也言身雖危動靜其憂思有如此者儒有博學

而不窮篤行而不倦幽居而不淫上通而不困

禮必以和優游以法慕賢而容衆毀方而瓦合

去已之大圭角其寬裕有如此者儒有內稱不

避親外舉不避怨程功積事不求厚祿程猶效

求厚祿也不推賢達能不望其報君得其志民賴

其德苟利國家不求富貴其舉賢援能有如此

切作切

者、儒有澡身浴德、常自潔靜其身、陳言而伏、陳

於君、不靜言而正之、而上下不知也、默而翹之、

又不急為也、言事君清靜、因事而正之、則君不

為、不臨深而為高、不加少而為多、言不因勢、世

沿不輕、世亂不沮、不自輕、同己不與、異己不非、

其特立獨行有如此者、儒有上不臣天子、下不

事諸侯、慎靜尚寬、底厲廉愚、強毅以與人、博學

以知服、近父章、雖以分國視之、如錙銖、視之輕

八兩為錙、弗肯臣仕、其規為有如此者、儒有

底作砥
禮記愚作隅

泗作恩、注全

合志同方、營道同術、並立則樂、相下不厭、久別

則聞、流言不信、義同而進、不同而退、其交有如

此者、夫溫良者、仁之本也、慎敬者、仁之地也、寬

裕者、仁之作也、動遜接者、仁之能也、禮節者、仁

之貌也、言談者、仁之文也、歌樂者、仁之和也、分

散者、仁之施也、儒皆兼此而有之、猶且不敢言

仁也、其尊讓有如此者、儒有不墮獲於貧賤、墮、

憂悶、不充詘於富貴、充、詘、不溷

君王、不累長上、不閱有司、故曰儒、溷、辱、閱、疾、言

妾作妾

訢作詒

厚病儒者忠和之名○濶胡困功今人之名儒也妾常以儒相詒疾訢衰公既得聞此言也言加信行加敬曰終歿吾世弗敢復以儒為戲矣

問禮第六

衰公問於孔子曰大禮何如子之言禮何其尊也孔子對曰丘也鄙人不足以知大禮也公曰吾子言焉孔子曰丘聞之民之所以生者禮為大非禮則無以節事天地之神非禮則無以辯君臣上下長幼之位焉非禮則無以別男女父

子兄弟婚姻親族踈數之交焉是故君子此為之尊敬然後以其所能教順百姓所能不廢其

會節取能謂禮也會謂男女既有成事而後治

其雕鏤文章黼黻以別尊卑上下之等其順之

也而後言其喪祭之紀宗廟之序品其犧牲設

其豕腊脩其歲時以敬祭祀別其親踈序其昭

穆而後宗族會宴即安其居以綴恩義卑其宮

室節其服御車不彫璣器不彫鏤食不二味心

不滯志以與萬民同利古之明王行禮也如此

公曰、今之君子、胡莫之行也、孔子對曰、今之君子、好利無厭、淫行不倦、荒怠慢游、固民是盡、以遂其心、以怨其政、以忤其衆、以伐有道、求得當欲、不以其取、言苟而已、○忤五故切、虐殺刑誅、不以其治、夫昔之用民者、由前、所用、今之用民者、由後、所用、是即今之君子、莫能為禮也、言偃問曰、夫子之極言禮也、可得而聞乎、孔子言、我欲觀夏道、是故之杞、夏後封也、而不足徵也、成、吾得夏時焉、於四時之正、我欲觀殷道、是故之宋、

殷後、而不足徵也、吾得乾坤焉、乾、天、坤、地、得、天、乾坤之義、夏時之等、吾以此觀之、夫禮初也、始於飲食、太古之時、燔黍擘豚、古未有釜、燔米燔米、擘肉、加於燒石之食、上而、汗罇而抔飲、罇、地為罇、蕡捋而土鼓、猶可食之、以致敬於鬼神、神、享德、不、及其死也、升屋而號、告曰、高某復、然後歆腥苴熟、始死、苴以遺、苴、以、送形體、則降魂氣、則土、是謂天望而地藏也、魂、升天而在地、故生者南嚮、死者北首、皆從其初也、昔之王者、未有宮室、冬則居營窟、夏則居槽

巢掘地而居謂之營窟有柴謂之在未有火化

食草木之實鳥獸之肉飲其血茹其毛未有絲

麻衣其羽皮後聖有作然後脩火之利範金治

刑範也合土作和以為臺榭宮室戶牖以炮

以燔毛曰炮也以烹煮之曰烹以為醴酪

醴之酒治其絲麻以為布帛以養生送死以事

鬼神故玄酒在室玄酒水也言畧近醴醎在戶醴盛

五齊二曰盎齊粢醎在堂深醎澄酒在下澄清漏

陳其犧牲備其鼎俎列其琴瑟管磬鐘鼓以其

祝嘏以降其上神上神天神○與其先祖以正

君臣以篤父子以睦兄弟以齊上下夫婦有所

是謂兼天之祐作其祝號犧牲玉帛祝辭也玄酒

以祭薦其血毛腥其俎熟其殺言雖有所腥腥本不

忘古起席以坐翦蒲也疏布以羃幕覆酒中也衣

其浣帛練染以醴醎以獻薦其燔炙君與夫人

交獻以嘉魂魄嘉善也是謂合莫然後退而合烹

合其蒸熟之體其大豕牛羊體解其牲實其簋

籩受黍稷之器也籩豆鉶羹竹曰籩木曰豆鉶所以祝

以孝告祝通孝子故以慈告敬傳先祖是為大
祥善此禮之大成也

五儀解第七

哀公問於孔子曰寡人欲論魯國之事與之為
治敢問如何取之孔子對曰生今之世志古之
道居今之俗服古之服舍此而為非者不亦鮮
乎曰然則章甫約衢履章甫冠也約履履頭有
鮮仙善久約
俱遇紳帶搢笏者賢人也紳大帶搢插也笏
所以執書對恩命孔
子曰不必然也丘之所言非此之謂也夫端衣

玄裳冕而乘軒者則志不在於食煮端衣玄裳
齊服也軒

軒車煮辛菜也軒裘菅菲杖而歛粥者則志不

在於酒肉生今之世志古之道居今之俗服古

之服謂此類也公曰善哉盡此而已乎孔子曰

人有五儀有庸人有士人有君子有賢人有聖

人審此五者則治道畢矣公曰敢問何如斯可

謂之庸人孔子曰所謂庸人者心不存慎終之

規口不吐訓格之言法格不擇賢以託其身不力

行以自定見小闇大而不知所務從物如流不

知其所執此則庸人也公曰何謂士人孔子曰
所謂士人者心有所定計有所守雖不能盡道
術之本必有率也率猶行也雖不能備百善之義必
有處也是故知不務多必審其所知言不務多
必審其所謂所謂言之務者謂行不務多必審其所由
智既知之言既道之得其行既由之則若性命
之形骸之不可易也富貴不足以益貧賤不足
以損此則士人也公曰何謂君子孔子曰所謂
君子者言必忠信而心不怨怨各仁義在身而色

無伐

無伐善之也

思慮通明而辭不專篤行信道自

強不息油然若將可越而終不可及者君子也

油然不進之貌也

越過也

公曰何謂賢人孔子曰所

謂賢人者德不踰閑閑法行中規繩言足以法於

天下而不傷於身

言滿天下無口過

道足化於

百姓而不傷於本

本亦

富則天下無宛財宛積也古

字亦或作此故施則天下不病貧此賢者也公

曰何謂聖人孔子曰所謂聖者德合於天地變

通無方窮萬事之終始協庶品之自然敷其大

道而遂成情性明並日月化行若神下民不知其德覩者不識其鄰此謂聖人也畔以喻公曰善哉非子之賢則寡人不得聞此言也雖然寡人生於深宮之內長於婦人之手未嘗知衰未嘗知憂未嘗知勞未嘗知懼未嘗知危恐不足以行五儀之教若何孔子對曰如君之言已知之矣則丘亦無所聞焉君如此言已為知之故無所復言謙以誘進衰也公曰非吾子寡人無以啓其心吾子言也孔子曰君子入廟如右登自阼階仰視榱桷俯察

机筵其器皆存而不覩其人君以此思衰則衰可知矣昧爽夙興正其衣冠爽明也昧明也始明也夙早興起○機所龜反補反古學反平且視朝慮其危難一物失理亂亡之端君以此思憂則憂可知矣日出聽政至于中中難乃且反中中冥映中諸侯子孫往來為賓行禮揖讓慎其威儀君以此思勞則勞亦可知矣矜然長思出於四門周章遠望覩亡國之墟必將有數焉墟非但故君以此思懼則懼可知矣夫君者舟也庶人者水也水所載舟亦取以

覆舟君以此思危則危可知矣君既明此五者又少由意於五儀之事則於政治何有失矣

哀公問於孔子曰請問取人之法孔子對曰事

任於官言各當以其所任於官無取捷捷之無取鉗鉗之無取

對不謹誠無取噶噶之無取誑誑之無取誑誑之無取

而不為貪也鉗鉗之無取亂亂之無取誑誑之無取

後求勁焉馬服而後求良焉士必慤而後求智

能者不慤而多能譬之豺狼不可邇言人無智

信不能為大惡不慤信而有智然後乃可畏也

哀公問於孔子曰寡人欲吾國小而能守大則

攻其道如何孔子對曰使君朝廷有禮上下和

親天下百姓皆君之民將誰攻之苟違此道民

畔如歸皆君之讎也將與誰守公曰善哉於是

廢澤之楚弛關市市稅以惠百姓弛施氏反

哀公問於孔子曰吾聞君子不博有之乎孔子

曰有之公曰何為對曰為其有二乘公曰有二

乘則何為不博子曰為其兼行惡道也此具博

也哀公懼焉有間微問曰若是乎君之惡之道

至甚也。孔子曰：君子之惡，道不甚則好善道亦不甚；好善道不甚則百姓之親，上亦不甚。詩云：未見君子，憂心惓惓，亦既見止，亦既覯止，我心則悅。詩之好善道甚也如此。公曰：羨哉！夫君子成人之善，不成人之惡，微吾子言焉，吾弗之聞也。

哀公問於孔子曰：夫國家之存亡禍福，信有天命，非唯人也。孔子對曰：存亡禍福，皆已而已。天災地妖，不能加也。公曰：善。吾子之言，豈有其事

乎？孔子曰：昔者殷王帝辛之世，紂有雀生大鳥

於城隅焉。占之曰：凡以小生大，則國家必亡。而

名益昌。於是帝辛介雀之德，介助也，以雀之德為助也。○占章豔

反，不脩國政，元暴無極，朝臣莫救，外寇乃至。殷

國以亡。此即以已逆天時，詭福反為禍者也。又

其先世殷王太戊之時，道缺法圯，以致天孽。桑

穀于朝，七日大拱。占之者曰：桑穀野木，而不合

生朝，意者國亡乎？太戊恐駭，側身脩行，思先王

之政，明養民之道。三年之後，遠方慕義，重譯至

者十有六國此即以已逆天時得禍為福者也
故天災地妖所以做人主者也寤夢徵怪所以
做人臣也戒傲災妖不勝善政寤夢不勝善行能
知此者至治之極也唯明王達此公曰寡人不
鄙固此亦不得聞君子之教也

哀公問於孔子曰智者壽乎仁者壽乎孔子對
曰然人有三死而非其命也已自取也夫寢處
不時飲食不節逸勞過度者疾共殺之居下位
而上于其君嗜慾無厭而求不止者刑共殺之

以少犯眾以弱侮強忿怒不類動不量力兵共
殺之此三者死非命也人自取之若夫智士仁
人將身有節將行動靜以義喜怒以時無害其性
雖得壽焉不亦宜乎

孔子家語卷第一

孔子家語卷第二

致思第八

孔子北遊於農山，子路子貢顏淵侍側。孔子四

望喟然而歎曰：於斯致思，無所不至矣。言思無所不至

二三子各言爾志，吾將擇焉。子路進曰：由願得

白羽若月，赤羽若日，鍾鼓之音上震於天，旌旗

繽紛，下蟠于地。委蟠由當一隊而敵之，必也攘地

千里。攘却搴旗執馘。搴取也，取敵之旌旗也。馘，截手也，以效獲也。唯由能

之，使二子者從我焉。夫子曰：勇哉子貢！獲進曰：

賜願使齊楚合戰於泝瀆之野。泝瀆廣大之類

余掌雨壘相望塵埃相接挺刃交兵賜著縞衣

白冠。兵凶事故陳說其間推論利害釋二國之

患唯賜能之使夫二子者從我焉夫子曰辯哉

顏回退而不對孔子曰回來汝奚獨無願乎顏

回對曰文武之事則二子者既言之矣回何云

焉雖然各言爾志也小子言之對曰回聞薰蕕

不同器而藏。薰香蕕臭堯桀不共國而治以其

類異也回願得明王聖主輔相之敷其五教其

類異也回願得明王聖主輔相之敷其五教。敷

也五教父義母慈兄弟弟恭子孝也導之以禮樂使民城郭不脩

溝池不越。言無踰鑄劍戟以為農器放牛馬於

原藪。廣平曰原澤無水曰藪也室家無離曠之思千歲無戰

鬪之患則由無所施其勇而賜無所用其辯矣

夫子凜然曰美哉德也子路抗手而對曰夫子

何選焉孔子曰不傷財不害民不繁詞則顏氏

之子有矣魯有儉嗇者瓦菑煮食釜食之自謂

其義盛之土型之器。瓦甌○型以進孔子孔子

受之而悅如受大牢之饋饋牛羊豕也子路曰瓦甌
陋器也莫食薄膳也夫子何喜之如此乎子曰
夫好諫者思其君食美者念其親吾非以饌具
之為厚以其食厚而我思焉○甌補
去反

孔子之楚而有漁者而獻魚焉孔子不受漁者
曰天暑市遠無所鬻也思慮弃也糞壤不如獻
之君子故敢以進焉於是夫子再拜受之使弟
子掃地將以享祭門人曰彼將弃之而夫子以
祭之何也孔子曰吾聞諸惜其腐餼而欲以務

施者仁人之偶也惡有受仁人之饋而無祭者

乎季羔為衛之士師獄別人之足俄而衛有剗

贖之亂初衛靈公太子蒯聵得罪出奔晉靈公
卒立其子輒蒯聵自晉襲衛時子羔子

路並位
於衛也季羔逃之走郭門別人守門焉謂季羔

曰彼有缺季羔曰君子不踰又曰彼有竇季羔

曰君子不隧隧從
竇出又曰於此有室季羔乃入焉

既而追者罷季羔將去謂別人者吾不能虧主之
法而親別人者之足今吾在難此正子之報怨之
時而逃我者三何故哉別人者曰斷足固我之罪

無可柰何、曩者君治臣以法令、先人後臣、欲臣之免也、臣知獄決罪定、臨當論刑、君愀然不樂、見君顏色、臣又知之、君豈私臣哉、天生君子、其道固然、此臣之所以悅君也、孔子聞之曰、善哉、為吏其用法一也、思仁恕則樹德、加嚴暴則樹怨、公以行之、其子羔乎、孔子曰、季孫之賜我粟千鍾也、而交益親、得季孫千種之粟、以施與自南宮敬叔之乘我車也、而道加行、孔子欲見老敬叔言於魯君、給孔子車馬、問禮於老子、孔子歷觀郊廟、首周而還、弟子四方來習也、故

道雖貴、必有時而後重、有勢而後行、微夫二子之貺財、則丘之道殆將廢矣、孔子曰、正者有似乎春秋、正其本而文王以王季為父、以太任為母、以太姒為妃、以武王周公為子、以大顛閔夭為臣、其本美矣、武王正其身、以正其國、正其國以正天下、伐無道、刑有罪、一動而天下正、其事成矣、春秋致其時、而萬物皆及、王者致其道、而萬民皆治、周公載已行化、載亦行矣、言行已以行化、其身正、不令而也、行而天下順之、其誠至矣、曾子曰、入是國也、言

信於群臣而留可也。行忠於卿大夫則仕可也。澤施於百姓則富可也。孔子曰：參之言此可謂善安身矣。

子路為蒲宰，為水備，與其民脩溝洫，以民之勞煩苦也。人與之簞食，簞，一壺漿。孔子聞之，使子貢止之。子路忿然不悅，往見孔子曰：由也，以暴雨將至，恐有水災，故與民脩溝洫以備之，而民多匱餓者，是以簞食壺漿而與之。夫子使賜止之，是夫子止由之行仁也。夫子以仁教而禁其

行，由不受也。孔子曰：汝以民為餓也，何不白於君，發倉廩以賑之，而私以爾食饋之，是汝明君之無惠，而見己之德美矣。汝速已，則可不已則汝之見罪必矣。

子路問於孔子曰：管仲之為人如何？子曰：仁也。得仁道也。子路曰：昔管仲說襄公，公不受，是不辯也。欲立公子糾而不能，是不智也。齊襄公立無知，鮑叔牙曰：君使

民慢亂將作矣。奉公子小白，出奔莒。公孫無知殺襄公，管夷吾召忽奉公子糾奔魯。齊人殺無知。魯伐齊，納子糾，小白自莒先入，是為桓公。乃殺子糾，召忽死之也。○說輪莒也。家殘

於齊而無憂色是不慈也。桎梏而居檻車無慙心是無醜也。言無耻事所射之君是不貞也。召忽死之管仲不死是不忠也。仁人之道固若是乎。孔子曰管仲說襄公之不受公之閹也欲立子糾而不能不遇時也。家殘於齊而無憂色是知權命也。桎梏而無慙心自裁審也。事所射之君通於變也不死子糾量輕重也。夫子糾未成君管仲未成臣管仲才度義管仲不死束縛而立功名未可非也。召忽雖死過與取仁未足

多也。

孔子適齊中路聞哭者之聲其音甚哀孔子謂其僕曰此哭哀則哀矣然非喪者之哀矣驅而前少進見有異人焉雍鎌帶素哭者不衰孔子下車追而問曰子何人也對曰吾立吾子也曰子今非喪之所奚哭之悲也立吾子曰吾有三失晚而自覺悔之何及曰三失可得聞乎願子告吾無隱也立吾子曰吾少時好學周遍天下後還喪吾親是一失也長事齊君君驕奢失士

臣節不遂是二失也吾平生厚交而今皆離絕
是三失也夫樹欲靜而風不停子欲養而親不
待往而不來者年也不可再見者親也請從此
辭遂投水而死孔子曰小子識之斯足為戒矣
自是弟子辭歸養親者十有三孔子謂伯魚曰
鯉乎吾聞可以與人終日不倦者其唯學焉其
容體不足觀也其勇力不足憚也其先祖不足
稱也其族姓不足道也終而有大名以顯聞四
方流聲後裔者豈非學者之效也故君子不可

以不學其容不可以不飾不飾無類無類失親

類宜為貌不在飾故無貌不得言不飾無類也
為兒矜莊然後親愛可久故曰無類失親也○

謙反失親不忠情不知親不忠失禮禮以忠
信為本失

禮不立非禮則無以立夫遠而有光者飾也近而愈明

者學也譬之汙池水潦注焉萑葦生焉雖或以

觀之孰知其源乎源泉源也水潦注於池而生
萑葦觀者誰知其非源泉乎

以言學者雖從外入及其用之入誰
知其非從此出也者乎○萑胡官反子路見於

孔子曰負重涉遠不擇地而休家貧親老不擇

祿而仕昔者由也事二親之時常食藜藿之實

為親負米百里之外，親歿之後，南遊於楚，從車百乘，積粟萬鍾，累綯而坐，列鼎而食，願欲食藜藿為親負米，不可復得也。枯魚銜索，幾何不蠹。二親之壽，忽若過隙。孔子曰：由也，事親可謂生事盡力，死事盡思者也。

孔子之郟，郟，國名也。少昊之後，吾之本縣也。郟，子達禮孔子故往，詰問焉。○郟，徒耳。

反，遭程子於塗，頌蓋而語。頌，蓋，駐車也。終日甚相親，顧

謂子路曰：取束帛以贈先生。贈，送也。子路屑然對曰：

由聞之士，不中間見，女嫁無媒，君子不以交禮

也。中間，謂介紹也。有間，又顧謂子路：子路又對如初。孔

子曰：由詩不云乎？有美一人，清揚宛兮，邂逅相

遇，適我願兮。清揚，眉目之間也。宛然，美也。幽期而會，令廟也。今程子天

下賢士也，於斯不贈，則終身弗能見也。小子行

之。

孔子自衛反魯，息駕于河梁而觀焉。河水無梁，莊周書說

孔子於呂梁言事者，通潛水為河也。有懸水三十仞，八尺曰仞，懸

也。圜流九十里，圜流，回流也。水深急則然。魚鼈不能導，鼃鼃

不能居，道有一丈夫方將厲之，厲孔子使人並

願

涯止之曰此懸水三十仞圍流九十里魚鼈鼉
鼉不能居也意者難可濟也丈夫不以措意遂
渡而出孔子問之曰子巧乎有道術乎所以能
入而出者何也丈夫對曰始吾之入也先以忠
信及吾之出也又從以忠信措吾驅於波流而
吾不敢以用私所以能入而獲出也孔子謂弟
子曰二三子識之水且猶可以忠信成身親之
而况於人乎孔子將行雨而無蓋門人曰商也
有之子夏名也孔子曰商之為人也甚恇於財恇吝也

吾聞與人交推其長者違其短者故能久也

楚昭王渡江々中有物大如斗圓而赤直觸王
舟舟人取之王大怪之遍問群臣莫之能識王
使使聘于魯問於孔子子曰此所謂萍實者也

萍水草也可剖而食之吉祥也唯霸者為能獲焉使

者返王遂食之大美久之使來以告魯大夫大
夫因子游問曰夫子何以知其然曰吾昔之鄭
過乎陳之野聞童謠曰楚王渡江得萍實大如
斗赤如日剖而食之甜如蜜此是楚王之應也

吾是以知之

子貢問於孔子曰、死者有知乎、將無知乎、子曰、
吾欲言死之有知、將恐孝子順孫妨生以送死、
吾欲言死之無知、將恐不孝之子弃其親而不
葬、賜不欲知死者有知與無知、非今之急、後自
知之、子貢問治民於孔子、子曰、懍々焉若持腐
索之扞馬、懍々、戒懼之貌、扞馬、突馬、○扞何且反、子貢曰、何其畏
也、孔子曰、夫通達之屬皆人也、以道導之、則吾
畜也、不以道導之、則吾讎也、如之何其無畏也、

魯國之法、贖人臣妾于諸侯者、皆取金於府、子
貢贖之、辭而不取金、孔子聞之、曰、賜失之矣、夫
聖人之舉事也、可以移風易俗、而教導可以施
之於百姓、非獨適身之行也、今魯國富者寡而
貧者衆、贖人受金、則為不廉、則何以相贖乎、自
今以後、魯人不復贖人於諸侯、

子路治蒲、請見於孔子、曰、由願受教於夫子、子
曰、蒲其何如、對曰、邑多壯士、又難治也、子曰、然
吾語爾、恭而敬、可以攝勇、寬而正、可以懷強、愛

而怨可以容困言愛怨者能容困温而斷可以

抑姦如此而加之則正不難矣

子曰三怨第九

孔子曰君子有三怨有君不能事有臣而求其

使非怨也有親不能孝有子而求其報非怨也

有兄不能敬有弟而求其順非怨也士能明於

三怨之本則可謂端身矣

孔子曰君子有三思不可不察也少而不學長

無能也大長丁老而不教死莫之思也有而不

施窮莫之救也故君子少思其長則務學老思

其死則務教有思其窮則務施

伯常騫問於孔子曰騫固周國之賤吏也不自

以不肖將北面以事君子敢問正道宜行不容

於世正道宜行而世莫之能隱道宜行然亦不

忍世亂則隱道為行然亦不忍為隱事今欲身亦不窮道亦不隱

為之有道乎孔子曰善哉子之問也自立之聞

未有若吾子所問辯且說也辯當其理得其說矣丘嘗聞

君子之言道矣聽者無察則道不入言聽者不明察道則

則

不能也、竒偉不稽、則道不信、稽考也、聽道者不能

信、此言苟非其人、道不虛行、又嘗聞君子之言事矣、制無度

量、則事不成、其政曉察、則民不保、保、安也、政、大

民也、又嘗聞君子之言志矣、剛折者不終、剛、則

不終、其性命矣、徑易者則數傷、徑、輕也、志、輕則浩倨者

則不親、浩、倨、簡畧不恭、就利者則無不弊、言、好

不可也、又嘗聞養世之君子矣、從輕勿為先、從重

勿為後、赴、憂患、從、勞苦、輕者、宜為、見像而勿強、

像、法也、見、法而已、不以、陳道而勿怫、怫、詭也、陳

強、世也、見、賢、遍、反、陳道而勿怫、道而已、不

與世相、此四者、立之所聞也、

孔子觀於魯桓公之廟、有欹器焉、欹、夫子問於

守廟者曰、此謂何器、對曰、此蓋為宥坐之器、孔

子曰、吾聞宥坐之器、虛則欹、中則正、滿則覆、明

君以為至誠、故常置之於坐側、顧謂弟子曰、試

注水焉、乃注之水中、則正、滿則覆、夫子喟然嘆

曰、嗚呼、夫物惡有滿而不覆哉、子路進曰、敢問

持滿有道乎、子曰、聰明叡智、守之以愚、功被天

下、守之以讓、勇力振世、守之以怯、富有四海、守

之

之以謙此所謂損之又損之之道也

孔子觀於東流之水子貢問曰君子所見大水

必觀焉何也孔子對曰以其不息且遍與諸生

而不為也夫水似乎德後通與諸生若物德水而不與生而又

德也其流也則卑下倨拘音鉤必脩其理此似義浩

々乎無屈盡之期此似道流行赴百仞之嶮而

不懼此似勇至量必平之此似法盛而不求槩

此似正綽約微達此似察發源必東此似志以

出以入萬物就以化絜此似善化也水之德有

若此是故君子見必觀焉

子貢觀於魯廟之北堂出而問於孔子曰向也

賜觀於太廟之堂未既輟還瞻北蓋皆斷焉輟止

觀北面之蓋斷絕也彼將有說耶匠過之也孔子曰太廟

之堂官致良工之匠之致良材盡其工巧蓋貴

久矣尚有說也言尚猶必也

孔子曰吾有所恥有所鄙有所殆夫幼而不能

強學老而無以教吾恥之去其鄉事君而達卒

遇故人曾無旧言吾鄙之事君而達得志於君而見故人曾無旧言

是弃其平生之旧交而無進之心者乎與小人處而不能親賢吾

殆之殆危也夫踈賢而遊小人是危亡之道也

子路見於孔子、々々曰、智者若何、仁者若何、子

路對曰、智者使人知己、仁者使人愛己、子曰、可

謂士矣、子路出、子貢入、問亦如之、子貢對曰、智

者知人、仁者愛人、子曰、可謂士矣、子貢出、顏回

入、問亦如之、對曰、智者自知、仁者自愛、子曰、可

謂士君子矣、子貢問於孔子曰、子從父命、孝乎、

臣從君命、貞乎、奚疑焉、孔子曰、鄙哉賜、汝不識

也、昔者明王、萬乘之國有爭臣七人、則主無過

舉天子有三公四輔、主諫爭以救其過、失也、四輔、前曰疑、後曰丞、左曰輔、右曰弼也、○爭側

反、千乘之國有爭臣五人、則社稷不危也諸侯

即股肱之臣有內外者也、故有五內外百乘之家有爭臣三人、夫

之臣有室老家相邑宰凡三人能以義諫諍則祿位不替、父有爭子

不陷、無禮士有爭友、不行不義士雖有臣、既微且陋、不能以義

詎為孝、臣從君命、奚詎為貞、夫能審其所從、詳

審所宜、不之謂孝、之謂貞矣、子路盛服見於孔子

子曰由是倨之者何也夫江始出於岷山其源
可以濫觴觴可以盛酒言其微及其至于江津不舫舟不
避風則不可以涉非唯下流水多邪今爾衣服
既盛顏色充盈天下且孰肯以非告汝乎子路
趨而出改服而入蓋自若也子曰由志之吾告
汝奮於言者華自矜奮於言者華而無實奮於行者伐自務
自伐夫色智而有能者小人也故君子知之曰
知言之要也不能曰不能行之至也言要則智
行至則仁既仁且智惡不足哉子路問於孔子

曰有足於此被褐而懷玉何如褐布衣毛子曰國無
道隱之可也國有道則衰冕而執玉衰冕文衣盛飾也

好生第十

魯哀公問於孔子曰昔者舜冠何冠乎孔子不
對公曰寡人有問於子而子無言何也對曰以
君之問不先其大者故方思所以為對公曰其
大何乎孔子曰舜之為君也其政好生而惡殺
其任授賢而替不肖德若天地而靜虛化若四
時而變物是以四海兼風囂於異類異類四方之夷狄也

鳳翔麟至鳥獸馴德馴無他也好生故也君舍此道而冠冕是問是以緩對

孔子讀史至楚獲陳

陳寔微舒殺其君楚莊王討之因陳取之而申叔時

諫莊王從喟然嘆曰賢哉楚王輕千乘之國而

重一言之信匪申叔之信不能達其義匪莊王之賢不能受其訓

孔子嘗自筮其卦得賁焉愀然有不平之壯子張進曰師聞卜者得賁卦吉也而夫子之色有不平何也孔子對曰以其離耶在周易山下有

火謂之賁

離下艮上離為火艮為山

非正色之卦也夫賁也

黑白宜正焉今得賁非吾兆也賁吾聞丹漆不

文白玉不雕何也賁有餘不受飾故也孔子曰

吾於其棠見宗廟之敬也甚矣

那伯所訟於其棠愛其樹作其

棠也思其人必愛其樹尊其人必敬其位道也

子路戎服見於孔子拔劍而舞之曰古之君子

固以劍自衛乎孔子曰古之君子忠以為賁仁

以為衛不出環堵之室而知千里之外有不善

則以忠化之侵暴則以仁固之何持劍乎子路

曰由乃今聞此言請攝齊以受教

齊裳下緝也受教者攝齊

升楚恭王出遊亡烏嗥之弓

良弓之名

左右請求之

王曰止楚王失弓楚人得之又何求之孔子聞

曰惜乎其不大也不曰人遺弓人得之而已何

必楚也孔子為魯司寇斷獄訟皆進眾議者而

問之曰子以為奚若某以為何若皆曰云云如

是然後夫子曰當從某子幾是

近也重獄事之故與眾議之

子問漆雕憑曰子事臧文仲武仲及孺子容此

三大夫孰賢對曰臧氏家有守龜焉名曰蔡文

仲三年而為一兆武仲三年而為二兆孺子容

三年而為三兆憑從此見之若問三人之賢與

不賢所未敢識也孔子曰君子哉漆雕氏之子

其言人之美也隱而顯言人之過也微而著智

而不能及明而不能見孰克如此

克能也而魯宜為如也

公索氏先落反將祭而亡其牲孔子聞之曰公索

氏不及二年將亡後一年而亡門人問曰昔公

索氏亡其祭牲而夫子曰不及二年必亡今過

暮而亡夫子何以知其然孔子曰夫祭者孝子

所以自盡於其親將祭而亡其牲則其餘所亡者多矣若此而不亡者未之有也虞芮二國爭田而訟連年不決乃相謂曰西伯仁也兩伯文王盍往質之盍何不入其境則耕者讓畔行者讓路入其朝士讓為大夫大夫讓于卿虞芮之君曰嘻吾儕小人也儕不可以入君子之朝遂自相與而退咸以所爭之田為閑田矣孔子曰以此觀之文王之道其不可加焉不令而從不教而听至矣哉

曾子曰狎甚則相簡莊甚則不親是故君子之狎足以交歡其莊足以成禮孔子聞斯言也曰二三子志之孰為參也不知禮乎

哀公問曰紳委章甫委曲貌章甫冠名也有益於仁乎孔

子作色而對曰君胡然焉裘麻苴杖者志不存乎樂非耳弗聞服使然也黼紱衮冕者容不褻慢非性矜莊服使然也介冑執戈者無退懦之氣非體純猛服使然也且臣聞之好肆不守折

言市弗能為廉好肆不守折也而長者不為市言長者之行則不為市買之事

竊夫其有益與無益君子所以知切宜孔子謂
 子路曰見長者而不盡其辭雖有風雨吾不能
 入其門矣故君子以其所能敬人小人反是
 孔子謂子路曰君子以心導耳目立義以為勇
 小人以耳目導心不孫以為勇故曰退之而不
 怨先之斯可從已言人退之不怨先之孔子曰
 君子有三患未之聞患不得聞既聞之患弗得
 學既得學之患弗能行有其德而無其言君子
 恥之有其言而無其行君子恥之既得之而又

失之君子耻之地有餘而民不足君子耻之衆
 寡均而人功倍已焉君子耻之凡興功業多少與人同而功殊
倍已故耻之也

魯人有獨處室者隣之鰥婦鰥寡婦也亦獨處一室
 夜暴風雨至鰥婦室壞趨而託焉魯人閉戶而
 不納鰥婦自牖與之言子何不仁而不納我乎
 魯人曰吾聞男女不六十不間居今子幼吾亦
 幼是以不納爾也婦人曰子何不如柳下惠然
 嫗不違門之女國人不稱其亂魯人曰柳下惠

則可、吾固不可、吾將以吾之不可、學柳下惠之
可、孔子聞之曰、善哉、欲學柳下惠者、未有似於
此者、期於至善而不襲其為、可謂智乎、
孔子曰、小辯害義、小言破道、開睢興于鳥、而君
子美之、取其雌雄之有別、廉鳴興於獸、而君子
大之、取其得食而相呼、若以鳥獸之名、嫌之、固
不可行也、

孔子謂子路曰、君子而強氣、則不得其死、小人
而強氣、則刑戮荐臻、函詩曰、殆天之未陰雨、徹

彼桑土、綢繆牖戶、

殆及也、徹、剝也、桑土、桑根也、

綿其牖戶、喻我國家積累之功、乃難成之若者也、

今汝下民、或敢侮余、

今者、周公時言我先王致此大功、至艱而、下民敢侮侮我、周道謂管蔡之屬、不可不遏絕之以

孝周室者也、孔子曰、能治國家之如此、雖欲侮之、豈

可得乎、周自后稷、積行累功、以有爵土、公劉重
之以仁、及至大王、亶父、敦以德、讓其樹根、置本、
備豫遠矣、初、大王都豳、狄人侵之、事之以皮幣、
不得免焉、事之以珠玉、不得免焉、於是屬耆老
而告曰、狄人之所欲、吾土地也、吾聞之、君子不


以所養而害人二三子何患乎無君遂獨與大
姜去之踰梁山邑于岐山之下函人曰仁人之
君不可失也從之如歸市焉天之與周民之去
殷久矣若此而不能天下未之有也武庚惡能
侮武庚紂子名禄父與管蔡
共為亂也○惡汪胡反

邶詩曰執轡如組兩驂如僕駮之謂中節孔子曰

為此詩者其知政乎夫為組者惣紕於此成文
於彼言其動於近行於遠也執此法以御民豈
不化乎竿旄之忠告至矣哉竿旄之詩者樂乎
善道告人取喻於

素絀良馬如
組紕之義

孔子家語卷第二



六政之西

